

R. G. ADAMS

Questo libro composto di libretti
trentanove ha un gran valore.
Il suo più gran pregio consiste nella
lettera di Cristoforo Colombo in lingua
Spagnola.




Thomas Randolph Adams


The John Carter Brown Library




GIFT OF


Thomas R. Adams







98-106-01



2

GRATII GRATIAE
GORITIENSIS
PATAVINAE

pestis descri


ptio.



M D LV.

AD EXCELLENTISSIMUM

D. Ioannem Petrum Abstemium
Præceptorem suum.



PAstor ego hæc cecini Euganeis obscurus in antris,
Quæ mihi pascenti lussit auena rudis.
Accipe primitias, Domino quas dedicat Alcon:
Alcon, lanigeras qui tibi debet oues.

RPJCB

Gratij Gratiae Goritienſis Patauinae
peſtis deſcriptio .



OS, quæ Meduacas lym
phas, ſacroſq; recessus
Euganei colitis saltus, nym
phæ mihi, uos o
Vos mihi, peſtiferam cladem
dum pangere cordi eſt,

Quæ nimium ſæua eſt Patauigrasſata per urbem,
Oppida per ſublime decus, per rura, per agros,
Ferte pedem; nam uos procul amouiſtis & illam;
Tuq; Deum, quæ cuncta regis, ſuprema poteſtas
Adſis o mihi; quæq; meam ſpem fulcis amore,
Sit mihi per te fas optatam cernere metam .

Tempus erat, quo ſancta Ceres flauebat aristas,
Serpere cum peſtis ſenſim fera cœpit, ubiq;
Pallorem inducens, morbumq; metumq; doloremq;
Atq; atros mortis ſocios, mortemq; rapacem;
Ciuius hæc grauidam uelox peruenit in urbem,
Poſt quàm illam toruè deſpexit culmine ab alto;
Tum iubet huc illos, illuc hos ire miniſtros,
Corpora qui celeres hōinū diſcrimine nullo Cerus,
Inuadūt; caput hīc dolet, hīnc latus, hīnc femur, hīnc
Auxilium hic lacrymis implorat, uoce ſalutem
Hic petit, hic tacet, huic tabeſcunt membra dolore.

O dolor, o lacryma, tanta molimine labis
Urbs antiqua ruet Studiorum clara propago?
Coelicolae subitum, dirumq; auertite casum,
Ne tot ne iuuenum pereat tam recta cupido,
Ne desiderium ueri, uirtutis honosq;
Fulgida splendentis pereat ne gloria secli.
Quo mouere gradus, horrendi cuncta ministri
Infecere malo contactu tetra uomentes
Ore uenena graui; afflatu hinc praecordia caco
Colloquijs polluta uiros foedare propinquos
Sic potuere, licet diuersa feratur origo;
Quoquo tulere pedem, genitorem liquit alumnus
Natus, & ipse pater sobolem deliquit amatam.
Heu crudele nefas, pietas sic uicta recedit?
Heu scelus indignum, heu facinus miserabile dictu,
Nulla fides nato? pietas & nulla parenti?
Arce Antenorea ciues fugere relicta,
Uxores hos turba frequens, natiq; sequuntur,
Non amor hos numi? non uestis? pulchra supellex?
Non amor hos patriae retinet? non limen auorum?
Urbs tristi clamore uirum repleta resultat
Undiq; cuncta sonans, ululatu & moesta remugit
Foemineo. at casti pueri, innuptaq; puellae
Ad coelum uocem extollunt, & multa querentes
In fatum luctu crudelia sydera clamant.
Excidium sensere canes, pestemq; nefandam,


Qui ueluti rabidi nocte exululasse per urbem
Auditi, exululasselupt sub moenibus altis
Auditi, rerum summus sic uoluntur ordo.
Magnam ubi diripuit Paduam contagio, gliscens
Oppida, rura, agros, Cererem cum frugibus almis
(Ni patriam ad sedem caueat conuersa furentes
Diua manus) mōstrū retrahens uastare parabat,
Quod terit heu lætas segetes cur lumine fuluo?
Lumine quo aduentāte cadunt ex arbore frondes,
Lumine quoq; (malum) tellus tremefacta debiscit.
Quò fugit agricolæ cupidi spes grata? laborq;
Quò uictus? quò chara quies cum prole tenella?
Flauis alma Ceres spicis, fanisque relictis
Hæc fugiens imo tra xit suspiria corde.
Vix mihi, quam peperit Saturno Nympha parenti,
Quæ Dea sum, atq; potens, hominū quæ uita, salusq;
Parcere uix placuit Pestis? (quis credere posset?)
Quid facies infesta uiris? quidūe impia tantum
Moliris facinus? quidūe orbem excindere tentas?
Parcite coelestes, fessisque imponite rebus
Iamque modum, ne tota ruat gens Itala, quondam
Dextera quam toties eduxit uestra periclis;
Itala gens uestros supplex spectauit honores;
Hæc decus est orbis, bello hæc illustris, & arte,
Huic est relligionis amor, sublimia uobis
Templa hæc erexit grata, atque insignia uobis


*Dona tulit, referetq; iterum sublata Deorum
Auxilio; uos hæc faciat's prospera posco.
Hæc ubi dicta dedit Dea; cœlum concutit altum,
Conciliumq; uocat, diuinoq; incipit ore
Iuppiter. ò Diui, quibus impertita potestas
Est mecum cœli, scitis quæcunq; poposcit
Nunc frugum regina; mihi sententia certa
Stat Latio exciso prædantem expellere pestem.
Liquerat Hesperiam, Patauinam liquerat arcem
Liquerat hæc uesana uiros, hæc oppida, & agros;
Unus at heroum surgens responsa ferebat
Sic fatus. Pater omnipotens, hominumq;, Deumq;
Progenitor gentem pœnas persolvere facti
Fas est, cum Diuûm monitis parere recuset;
Forſitan ad noſtrum conuertet lumina regnum.
Sic inimica lues redijt reuocata Deorum
Conſenſu, & populata agros, populataq; Bacchi
Templa, ſacraſq; aras, et maxima ſacra profanat.
Liber & ipſe fugit uaſtante cuncta ruina
Ingenti, uiresq; ſtupet miratus atroces,
Immanesq; pedes, & uaſti corpora monſtri.
Cernite mortales miſeri contagia lethi;
Sed procul eſte; pios incaute fallit euntes
Mortis dura ſoror, genitrix & mortis iniquæ
Atra lues; hic dirus erit mortalibus annus.
Vndq; tanta mali moles, formidoq; tanta,*


*Vt tibi nullus honos, nullus Libitina sacrorum
Cultus, & ad feretrum nullus tibi in æde sacerdos
Iusta canat, secreta tibi haud immurmuret ullus;
Tantus in occulta lethi contagio uidetur
Esse metus; sic causa mali uitatur ab omni.
Ab nimium dira, ab nimium contagio demens,
Labitur incedens alter, delabitur alter
Ad mensam, qui lætus erat modò, munere uitæ
Functus ad obscuros Erebi descenderat amnes.
Hei mihi surripuit doctum, fidumq; sodalem,
Cui uix flauebant tenera lanugine malæ;
Quo mores fugere probi Franciscæ? Iuuentus
Florida quò fugit? spes en quò fugit inanis?
Quò firmum pectus? recti & constantia firma?
En quò dulcisonus sermo? en quò suauia uerba?
Quò uigiles animi motus? Mors inuida florem
Purpureum succidit; atroxq; inuidit amori
Casus, & elatum iuuenem deiecit ad ima.
Vos precor este boni manes, uos recta petenti
Este precor faciles manes; nam recta petiui.
Inde per autumnum felicem dira uagatur
Pestis, & ad medium porrexit brachia crassa
Pestis, & in medio posuit fera brachia, uimq;
Sic labes Pataui longe migravit ab oris.
Urbs euersa iugum tandem decussit, & illo
Iam releuata graui robur reparauit omissum;*

Errantesq; uocat ciues ad patria tecta;
 Nanq; ignara frui hos uitali lumine credit;
 Vix medij rediere, ferum pars senserat ulcus;
 Pars malesana metu confugerat acta sub umbras;
 Pars natorum animam migrantem exceperat, ac ri
 Vidlaq; mœrore ad stygias descenderat undas;
 Vix lacrymas tristis cohibens sat luximus, inquit,
 Nil mœror, nil ægra iuuant lugubria mœstos;
 Ponite iam luctum ciues, iam ponite luctum,
 Sumite lætitiā ciues, iam sumite ciues,
 Sacra pij date thura Deis pro munere tali;
 Hi uos eripere malis, hi cuncta dedere,
 Hi uitamq; & opes, & quæ uos recta petistis;
 Eia agite ad cœlum duplices attollite palmas,
 Dicite io ciues, & io bis dicite ciues;
 Bis superi ereptos crudeli funere tutos
 Seruauere; duplex debetur uita tonanti;
 Sic resonant io io, sic ad sydera fertur io io.
 Ast ego quas grates persoluam, uiuere quem Dij
 Per mala tot pestis? quem permisere per undas
 Tot maris infidi? per mortem cuncta ruentem?
 Ante alios aram gratis de marmore ponam;
 Hic mihi Diuorum rector decoratus in auro
 Stabit, & ipse feram sacrum de more quot annis.
 Tu Pater omnipotens memoris dignabere donum
 Accipere, & uitam longum concedere in æuum.
 Finis.









~~H595~~
~~N4795~~
~~V.I~~

J595
N4795
V.I

*Ag
Op*